



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學校名稱 : 香港培道中學
Name of School : POOI TO MIDDLE SCHOOL
劇名 Name of Play : Keeper
劇作者 Script writer : 林嘉婷、葉嘉豪、曾綽嵐、麥芷晴、李耀靈

故事大綱 Synopsis :

生老病死，是人類的宿命。離開人世後，死神會將逝者靈魂帶走，交由死後世界的判官審判。

在一次任務中，一向嚴明的死神 K 頓感異常，逝者的容貌、遺物都在刺激他被封禁的記憶。死神 K 發現

其與逝者有着非淺的關係，究竟死神 K 會選擇嚴守規律，還是選擇另一珍視之物呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序幕：死神裁判處

(燈亮)

(三位死神 K、S、G 出場，身後帶領着一群逝去的人，分別散落在台左、台中、台右，以形體動作呈現死神如何帶走逝者的靈魂。)

(一會人群散開，舞台上只剩下跪在台中、面露悲傷的死神 K，以及站在一旁的死神 S 及死神 G。)

(聚光燈打開的電閘聲響起，而聚光燈打在死神 K 的身上。)

(判官進場，而檢控官跟隨在後。)

檢控官：死神 K 徇私枉法，先後以職權欺瞞守衛，企圖重置，作為死神，更直接干預現實。就以上控罪，今日進行審判。

判官：(敲法槌) K，你認唔認罪？

死神 K：(目光堅定看着判官) 我唔否認我違反咗死神守則，但係我方做錯！

判官：死神嘅職責本來就只係順應天命，壽命去到盡頭，你哋就將佢帶去接受審判。你呢三年嚟盡忠職守，點解一時糊塗做錯事呢？

死神 K：我唔係一時糊塗。

(判官聽到死神 K 的回答後，顯然有些不滿。)

判官：開始審判！

(燈滅。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 《死後世界工作室》

(燈亮)

(生神們不斷工作，偶爾互相傳遞文件。他們透過觀察在世的人所做的事去增減他們的壽命。)

(有人做了好事的聲音響起。)

生神 1 : 提人門書包拉鍊，加一日。

(有人做了好事的聲音響起。)

生神 2 : 講笑話逗人笑，加兩日。

(死神 K 帶着兩位隊員：死神 S 和死神 G 進場。)

死神 G : (四處張望，感到驚奇) 哇哇哇！呢度係邊度呢嚟？

(有人做了壞事的聲音響起。)

生神 3 : 殺害流浪動物，減五年。

死神 S : (搭着死神 G 肩膀) 係咪好靚啊？我第一次嚟嘅時候都好似你依家咁。我同你講啦，呢度係死後世界工作室，呢班就係生神，做好嘢就加你壽命，做衰嘢就扣你壽命。扣下扣下，扣到冇晒咯，咪到我哋出場，去接走佢哋囉！

生神 4 : 你地終於嚟啦，呢度啊呢度啊！ (向死神 S 遞上一疊文件) 咁遲嚟，我哋好多嘢做㗎！

(有人做了好事的聲音響起。)

生神 5 : 教同學做功課，加五日。

(有人做了壞事的聲音響起。)

生神 6 : 教人食煙，扣一年。

(有人做了好事、壞事的聲音仍不間斷地響起。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

死神 K : 多嘢做還多嘢做，但係你哋生神計數真係要均真啲！(隨手拿起一份文件) 你睇吓，阿媽打個仔，點解淨係扣三日？你哋生神唔跟好準則，我哋死神都好難做㗎！

生神 7 : 但係個 Case 係阿媽教仔，打者愛也，輕判都好合理啫。

死神 K : 愛係愛，規則係規則，準則話要扣多啲，咁就應該扣多啲。(把文件交回生神 7 便要離開)

死神 G : 咁多 Case！我哋真係做得晒咩？

死神 S : 我見到咁大疊文件就已經想辭職唔撈啦。(將所有文件交給 G，指住死神 K) 我哋有個最佳員工嚟度，一定做得晒嘅！

死神 K : 作為死神，我哋只有一個職責，就係跟 Order 接走死人嘅靈魂。你啊！未開始做嘢就嗌收工，阿頭改你個名做 Sloth 真係冇錯。

死神 G : 你哋知道自己個名點嚟㗎咩？

死神 S : 我懶到唔記得咯，後來係 K 話俾我知。我上一世係個大懶人，因為淨係想瞓覺，所以餓死咗，咁咪叫 Sloth 囉。

死神 G : 咁我呢？

死神 K : Gluttony sen (日文)。接你嘅時候知道你以前係大胃王，鐘意不停食嘢，最後食到有大腸癌，就死咗啦。

死神 G : 唔怪之得我見到食物嘅時候都有種奇怪嘅感覺。咁 K 呢？我淨係知你叫 Keeper 咋。

死神 K : 我都唔知。

死神 S : 我知我知，你上一世一定係踢波做守籠嘅，依家做死神就守住啲死後世界準則。

死神 K : (反白眼) 痴線。

(生神 7 拿着幾份文件追來)

生神 7 : (把文件放到死神 G 手上) 仲講？仲有一大疊嚟緊啊！

死神 G : 咁做法真係會做到死㗎㗎。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

死神 S : 做到死？你已經死咗啦！（對死神 G 輕道）不如你試吓去搵一搵樓下個 Reset 掣，所有嘢重新嚟過，我哋咪唔洗做咯！

死神 K : 唔好教壞新人啦，幾萬年前有人搵咗俾人捉到，到依家都都仲輪迴緊做畜生，永遠都做唔返人。

(死神 G 聽到後非常震驚。)

死神 S : Keeper 啊，Keep 住啲準則，依家 Keep 埋個 Reset 掣。

死神 K : 做嘢啦！仲咁多嘢講。

(三位死神帶著文件離場。生神們依然在工作。)

(燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 《家中（現在）》

(燈亮)

死神 S : 終於都捱到結算日啦！搞埋呢單就可以放個假！

死神 G : 既然咁開心，今晚我請大家食餐好嘅！真係好耐未食過好嘢啦。(拍死神 K 肩膀)大佬今晚想食咩啊？

死神 K : (面露不適)隨便，做咗正事先。(走到女死者面前)

死神 S : (走到男死者面前，拿起資料表核對)司徒正道，52歲，無業，死因係他殺，資料冇問題。

死神 G : 咁我哋兩個帶佢番去先啦。(望向 K 並察覺其不適)大佬，你冇事啊嘛？

死神 K : 我冇事，可能係呢幾日太叻啫。你哋番去先啦，我處理完就返嚟搵你哋。

死神 G : 好啦，咁我哋等你食大餐！

(死神 S 和死神 G 一同施法，將男死者的靈魂帶離場。)

死神 K : 司徒愛，19歲，學生，死因係……抑鬱症……

(死神 K 頓感頭痛，卻頂着頭痛開始翻找女死者的衣物。死神 K 發現女死者手上的手繩，與自己手上的手繩對比，更感不適。繼續翻找，便從衣服暗袋中發現了遺書。)

死神 K : (讀出遺書)家姐，對唔住，我冇能力保護你。三年嚟……

妹妹(VO) : 三年嚟，我一直喺度諗，如果嗰一日我冇聽你講，所有嘢係咪會變得唔一樣？如果嗰日我敢同你一齊面對，你係咪就唔會死？三年後嘅今日，我同你一樣咁大啦，我問自己：如果死嗰個係我，依家嘅你一定會過得比我好好多。我今日終於可以幫你報仇啦，家姐，我好掛住你，我知我地一定會再見。
司徒愛，絕筆。

(讀完遺書，死神 K 不由自主地擦了擦眼淚。)

(死神 K 再也忍不住頭痛，在家中四處走蕩，她見到不同的舊物，腦海的聲音也隨即響起。)

(死神 K 在大廳跌跌撞撞。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

妹妹(VO)：如果有一日，我真係死咗，咁你會點啊？

姐姐(VO)：我一日仲喺度，都唔會俾你有事㗎！

(死神 K 走到門前)

妹妹(VO)：你過埋嚟啦。

姐姐(VO)：信我啦，我頂得住！

(死神 K 站了起來，走向女死者，又撫摸她的臉。)

死神 K：阿妹……我……

(燈暗)